



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	BH AHAD			
TARIKH	:	22/8/2021 (AHAD)	MUKA SURAT	:	15
JABATAN	:	JUPEM			

BH AHAD 22 Ogos 2021

Nasional

15

Penularan COVID-19

Aplikasi kesan pergerakan pesakit kuarantin di rumah

Tindakan undang-undang jika keluar melebihi radius

Oleh Ilah Hafiz Aziz
illahhafiz.abdulaziz@bh.com.my

Kuala Lumpur: Pasukan Bertindak Khas Greater Klang Valley (GKV STF) akan melancarkan satu aplikasi 'geofencing' hari ini untuk memantau pergerakan pesakit COVID-19 kategori 1 dan 2 yang diarah menjalani kuarantin di rumah.

Mereka yang positif COVID-19 serta menjalani kuarantin di rumah akan diwajibkan memuat naik aplikasi berkenaan di telefon bimbit dan keberadaan mereka sepanjang tempoh itu akan

dipantau pihak berkuasa.

Pihak berkuasa akan mengambil langkah segera, termasuk tindakan undang-undang sekiranya pesakit didapati keluar dari rumah atau melebihi radius yang sudah ditetapkan.

Komander Bersama GKV STF, Brigedier Jeneral Dr Mohd Arshil Moideen, berkata tujuan utama aplikasi itu dibangunkan adalah mengurangkan penularan dalam komuniti yang biasanya terjadi akibat sikap tidak bertanggungjawab pesakit COVID-19.

"Projek pilot (perintis) aplikasi ini akan bermula hari ini dan dalam tempoh 11 hari ia akan berfungsi sepenuhnya lengkap dengan notifikasi dan 'tracking' pesakit.

"Ia akan menjadi aplikasi yang diwajibkan terhadap mereka yang berada dalam kategori 1 dan 2 yang kuarantin di rumah," katanya ketika memberi taklimat di Pusat Kuarantin

dan Rawatan COVID-19 (PKRC) Bersepadu 2.0 di Taman Ekspo Pertanian Malaysia (MAEPS) Serdang, kelmarin.

Yang turut hadir Komander Bersama Joint Task Force, Datuk Dr Mohamed Alwi Abdul Rahman, yang juga Ketua Jabatan Kecemasan Hospital Selayang.

Dr Mohd Arshil menjelaskan, aplikasi 'geofencing' yang belum mempunyai nama ini adalah berbeza dengan aplikasi MySejahtera kerana ia mempunyai fungsi dan tujuan berbeza.

"Sudah tentu kita ada menjangka maklum balas negatif antaranya mengapa mahukan aplikasi lain, selain MySejahtera. Kita tidak mahu kacau MySejahtera kerana alamat di MySejahtera ada kalanya bukan di lokasi anda melakukan kuarantin.

"Anda mungkin meletakkan alamat rumah ibu bapa anda di MySejahtera, tetapi bila dijangkiti COVID-19, anda kuarantin di lokasi lain," katanya.

GKV STF memutuskan penggunaan aplikasi ini juga untuk memudahkan pemantauan dan tindakan pihak berkuasa sekiranya ada pihak yang keluar dari kawasan kuarantin.

"Ketika Perintah Kawalan Pergerakan 1.0 dahulu, kita ada pihak polis yang akan memeriksa setiap pesakit yang kuarantin di rumah, tetapi dalam tempoh jangkitan meningkat ke angka 7,000, 8,000, malah 10,000 di Lembah Klang sahaja, adalah sukar tindakan itu dilakukan dan aplikasi ini mengisi 'gap' (jurang) berkenaan," katanya.

Dr Mohd Arshil berkata, pihaknya masih mengkaji sejauh mana keberadaan pesakit yang kuarantin untuk keluar rumah.

"Pesakit tidak perlu risau untuk tidak keluar rumah langsung, sekadar untuk buang sampah, pihak berkuasa tidak akan datang ke rumah anda untuk mengambil tindakan," katanya.

Projek pilot (perintis) aplikasi ini akan bermula hari ini dan dalam tempoh 11 hari ia akan berfungsi sepenuhnya lengkap dengan notifikasi dan 'tracking' pesakit




Dr Mohd Arshil Moideen, Komander Bersama GKV STF

Beliau turut memberi amaran agar tiada pesakit COVID-19 yang sengaja membuang aplikasi itu di dalam telefon atau menu-tup GPS GPS (global positioning system).

"Kita akan dapat kesan mereka yang berbuat demikian dan pihak berkuasa akan segera datang untuk mengesan anda. Ya, tindakan undang-undang akan diambil, tetapi saya lebih suka 'soft approach' dilaksanakan agar semua pihak mematuhi arahan yang ditetapkan," katanya.

Unit Komunikasi Korporat | Kementerian Tenaga dan Sumber Asli
No. Tel. : 03-8000 8000 | Faks : 03-8889 4763 | Web : www.ketsa.gov.my



KeTSAMalaysia



ketsa.malaysia



KeTSAMalaysia